

**ხელშეკრულება**

**ქ. თბილისი**

**2023 წლის \_\_\_\_\_**

**ხელშეკრულების მხარეები**

ერთი მხრივ, \_\_\_\_\_, წარმოდგენილი მისი \_\_\_\_\_ სახით, (შემდგომში მოხსენიებული, როგორც „მყიდველი“), ერთის მხრივ და \_\_\_\_\_ წარმოდგენილი მისი ღირექტორის \_\_\_\_\_ სახით, (შემდგომში მოხსენიებული, როგორც „გამყიდველი“) მეორეს მხრივ, ვდებთ წინამდებარე ხელშეკრულებას შემდეგზე:

**მუხლი 1. მხარეთა ძირითადი შეთანხმების შესახებ (ხელშეკრულების საგანი)**

- 1.1. წინამდებარე ხელშეკრულების შესაბამისად გამყიდველი ვალდებულია მყიდველს მიაწოდოს ხელშეკრულების დანართი #1-ში (ფასების ცხრილი) აღნიშნული \_\_\_\_\_ (შემდგომში “საქონელი”) ხელშეკრულების დანართ #1-ში მითითებული რაოდენობითა და ხელშეკრულებით განსაზღვრული წესით, ხოლო მყიდველი ვალდებულია ხელშეკრულებით განსაზღვრული წესით და ვადებში მიიღოს საქონელი და გადაიხადოს მისი ღირებულება.
- 1.2. გამყიდველი ვალდებულია მყიდველს მიაწოდოს საქონელი შემდეგ მისამართზე: \_\_\_\_\_  
\_\_\_\_\_
- 1.3. საქონელის ფასი მითითებულია დანართ #1-ში (ფასების ცხრილი) და მოიცავს დანიშნულების ადგილამდე (ობიექტამდე) ტრანსპორტირების ხარჯებს და საქართველოს კანონმდებლობით დადგენილ ყველა გადასახადს.
- 1.4. საქონლის მახასიათებლები მოცემულია დანართ #2-ში, რომელიც თან დაერთვის წინამდებარე ხელშეკრულებას და წარმოადგენს მის განუყოფელ ნაწილს.

**მუხლი 2. საქონლის შესაბამისობის შესახებ**

- 2.1. გამყიდველის მიერ მყიდველისათვის გადასაცემი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს ხელშეკრულებით გათვალისწინებულ პირობებს.

**მუხლი 3. მხარეთა უფლებამოსილებებისა და მოვალეობების შესახებ**

- 3.1. წინამდებარე ხელშეკრულებით, გამყიდველი ვალდებულია საქონელი მყიდველს მიაწოდოს ხელშეკრულებით განსაზღვრული წესით, მითითებული რაოდენობით, ხოლო მყიდველი ვალდებულია მიიღოს (გარდა ხელშეკრულებით გათვალისწინებული შემთხვევებისა) საქონელი და მოახდინოს გამყიდველთან ანგარიშსწორება ხელშეკრულებით გათვალისწინებული პირობებით.
- 3.2. მყიდველი ვალდებულია მიიღოს ხელშეკრულებით გათვალისწინებული საქონელი (გარდა ხელშეკრულებით გათვალისწინებული შემთხვევებისა), მიღების მომენტში შეამოწმოს საქონლის ხარისხი, შეფუთვა, შესაბამისობა შეთანხმებულ პირობებთან და გარეგანი იერსახე.
- 3.3. მყიდველი ვალდებულია გამყიდველს აუნაზღაუროს მიწოდებული საქონელის ღირებულება ამ ხელშეკრულების მე-7 მუხლის შესაბამისად.
- 3.4. მხარეები ვალდებულნი არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები,

კომპანიის კონტრაგენტების ვინაობა და სხვა) გამჟღავნების დაუშვებლობას მესამე პირებისათვის, გარდა ინფორმაციის გამჟღავნების თაობაზე მხარეთა შორის წინასწარი წერილობითი შეთანხმებისა და საქართველოს კანონმდებლობით გათვალისწინებული შემთხვევებისა.

#### **მუხლი 4. საქონლის მახასიათებლების შესახებ**

- 4.1. გამყიდველი მყიდველისათვის საქონლის მიწოდებას უზრუნველყოფს ხელშეკრულებით გათვალისწინებული რაოდენობით (დანართი #1).
- 4.2. გამყიდველი ვალდებულია მიწოდების დოკუმენტებში (ზედნადები) მიუთითოს მიწოდებული საქონლის დასახელება და ფასი.
- 4.3. მიწოდებული საქონლის ჩამონათვალი და რაოდენობა უნდა შეესაბამებოდეს იმ მონაცემებს, რომელიც ნაჩვენებია მიწოდების დოკუმენტებში.
- 4.4. საქონლის ხარისხი უნდა შეესაბამებოდეს მწარმოებლის დეკლარირებულ სტანდარტებს, საქართველოს კანონმდებლობის მოთხოვნებს და გამყიდველის მიერ შემოთავაზებულ პირობებს.
- 4.5. გამყიდველი იძლევა გარანტიას, რომ საქონელი მყიდველისათვის გადაცემის მომენტში, თავად არის საქონლის კანონიერი მფლობელი და ასევე, რომ საქონელი არ არის დაგირავებული, დაყადაღებული, მესამე პირებს არ შეიძლება წარმოეშვათ რაიმე სახის პრეტენზია აღნიშნულ საქონელთან მიმართებაში.
- 4.6. გამყიდველი იძლევა გარანტიას, რომ საქონელი შეესაბამება უსაფრთხოების მოთხოვნებს და რომ საქონელი იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელზე იქნება კითხვადი.

#### **მუხლი 5. მიწოდებისა და დოკუმენტების შესახებ**

- 5.1. წინამდებარე ხელშეკრულების დანართ #1-ში მითითებული საქონლის სრულად მიწოდება უნდა განხორციელდეს არაუგვიანეს ხელშეკრულების გაფორმებიდან ————— დღის ვადაში.
- 5.2. საქონლის მიწოდებისას სასაქონლო ზედნადები (შემდგომში ზედნადები) და საგადასახადო ანგარიშ-ფაქტურა უნდა გაფორმდეს საქართველოს კანონმდებლობის მოთხოვნათა შესაბამისად.
- 5.3. თუკი საქონლის მიღების შემდეგ აღმოჩნდება, რომ დოკუმენტები შეცდომით, ან არასათანადო ფორმითაა გაფორმებული, მყიდველი ატყობინებს აღნიშნულის შესახებ გამყიდველს, რომელიც ვალდებულია შეტყობინების მიღებიდან არაუგვიანეს მეორე დღისა მოახდინოს ახალი დოკუმენტების წარმოდგენა და ძველის გაუქმება/კორექტირება.
- 5.4. საქონლის (მისი ნაწილის) ფაქტობრივი მიწოდება უნდა განხორციელდეს სასაქონლო ზედნადების გაფორმების დღეს.
- 5.5. საქონლის ტრანსპორტირებისათვის განკუთვნილი სატრანსპორტო საშუალება უნდა იმყოფებოდეს ტექნიკურად გამართულ მდგომარეობაში, დაცული იყოს ჰიგიენური ნორმები და იყოს ვარგისი განსაზღვრული კატეგორიის საქონლის ტრანსპორტირებისთვის.
- 5.6. გამყიდველი ვალდებულია უზრუნველყოს საქონლის გადმოტვირთვა ამისათვის მყიდველის მიერ სპეციალურად განსაზღვრულ ადგილას და დროს.

#### **მუხლი 6. საქონლის მიღება-ჩაბარების შესახებ**

- 6.1. მყიდველი წარმომადგენელი გამყიდველის წარმომადგენლის თანდასწრებით უზრუნველყოფს საქონლის დათვალიერებას მითითებულ/მიწოდების ან სხვა ნებისმიერ ადგილას.
- 6.2. საქონლის მიღებისას, მყიდველი შეამოწმებს საქონლის რაოდენობის, ტექნიკურ მახასიათებლების და ხარისხის შესაბამისობას წინამდებარე ხელშეკრულების პირობებისა და წარდგენილ დოკუმენტებთან

მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და გამყიდველის, ასევე მყიდველის წარმომადგენლის ხელმოწერით მიღება-ჩაბარების აქტზე. მყიდველი უფლებამოსილია არ მიიღოს საქონელი და არ მოაწეროს ხელი მიღება-ჩაბარების აქტს, ამასთან არ მოახდინოს ანგარიშსწორება თუკი საქონლის რაოდენობა, ტექნიკური მახასიათებლები, ხარისხი არ შეესაბამება წინამდებარე ხელშეკრულებაში აღნიშნულ პირობებს, მხარეთა შორის შეთანხმებულ პირობებს, შეფუთვა არ შეესაბამება დადგენილ მოთხოვნებს.

6.3. მყიდველის უფლებამოსილებას საქონლის მიღებასთან, შემოწმებასთან და მონაცემების შედარებასთან დაკავშირებით, ახორციელებენ მყიდველის უფლებამოსილი თანამშრომელი.

### **მუხლი 7. ხელშეკრულების საერთო ღირებულება და ანგარიშსწორების შესახებ**

- 7.1. ხელშეკრულების საერთო ღირებულება შეადგენს \_\_\_\_\_, რაც მოიცავს საქართველოს კანონმდებლობით გათვალისწინებულ ყველა გადასახადს (მათ შორის დღგ-ს).
- 7.2. საქონლის ღირებულების ანგარიშსწორება განხორციელდება უნაღდო ანგარიშსწორების გზით.
- 7.3. ანგარიშსწორება მოხდება შემდეგი წესით: მყიდველი გამყიდველს გადაუხდის წინამდებარე ხელშეკრულებით გათვალისწინებული პირობებით მიწოდებული საქონლის (დანართი #1) ღირებულებას სრულად, მისი მიწოდებიდან და მხარეთა შორის შესაბამისი საქონლის მიწოდების თაობაზე მიღება-ჩაბარების აქტის გაფორმებიდან, ასევე გამყიდველის მიერ საგადასახადო ანგარიშ-ფაქტურის წარმოდგენიდან \_\_\_\_\_ სამუშაო დღის ვადაში, ეროვნულ ვალუტაში ანგარიშსწორების დღეს არსებული ეროვნული ბანკის ოფიციალური გაცვლითი კურსის შესაბამისად.
- 7.4. თუკი 7.3. პუნქტში მოცემული ანგარიშსწორების დღე(ებ)ი ემთხვევა არასამუშაო დღე(ებ)ს, ანგარიშსწორება განხორციელდება მომდევნო სამუშაო დღეს.

### **მუხლი 8. ხელშეკრულების შესრულების კონტროლის შესახებ**

- 8.1. ხელშეკრულების შესრულების კონტროლს, კერძოდ, გამყიდველის მიერ მიწოდებული საქონლის სახეობის, მიწოდების ვადების, ხარისხის, მიწოდებული საქონლის რაოდენობის, მიწოდებული საქონლის ტექნიკური მახასიათებლების შეფასებას ხელშეკრულებით გათვალისწინებულ პირობებთან, განახორციელებს მყიდველის მიერ გამოყოფილი უფლებამოსილი პირ(ებ)ი.
- 8.2. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.
- 8.3. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი „მყიდველის“ არჩევანის მიხედვით.

### **მუხლი 9. მხარეთა პასუხისმგებლობის, პასუხისმგებლობის შესახებ**

- 9.1. გამყიდველი პასუხისმგებელია მის მიერ განხორციელებულ ყველა ქმედებაზე. გამყიდველი ასევე პასუხისმგებელია საქონლის მიწოდების შესაბამისი წესების დაცვაზე. უსაფრთხოების წესების დარღვევის შემთხვევაში მყიდველისათვის ან მესამე პირისათვის მიყენებული ზიანის ანაზღაურების ვალდებულება ეკისრება გამყიდველს.
- 9.2. მყიდველი არ არის პასუხისმგებელი იმ ვალდებულებებისათვის, რომელიც ხელშეკრულების პირობების შესრულების დროს გამყიდველს წარმოეშობა მესამე პირების წინაშე.

- 9.3. იმ შემთხვევაში, თუ გამყიდველი მყიდველს არ მიაწოდებს საქონელს ხელშეკრულებით დადგენილ ვადაში, მყიდველი უფლებამოსილია წინასწარი შეტყობინების გარეშე გამყიდველს დააკისროს, ხოლო გამყიდველი ვალდებულია გადაიხადოს პირგასამტეხლო წინამდებარე ხელშეკრულების საერთო ღირებულების 0,5%-ის ოდენობით ყოველ ვადაგადაცილებულ დღეზე, ხოლო იმ შემთხვევაში თუ გამყიდველი ზემოაღნიშნულ ვად(ებ)ს გადააცილებს 10 (ათი) დღით, მყიდველი უფლებამოსილია შეწყვიტოს წინამდებარე ხელშეკრულება და ამასთან მოითხოვოს, ხოლო ასეთ შემთხვევაში გამყიდველი ვალდებულია გადაიხადოს დარიცხულ პირგასამტეხლოსთან ერთად ჯარიმა ხელშეკრულების საერთო ღირებულების 50%-ის ოდენობით და დაუბრუნოს მყიდველს მის მიერ ავანსად გადახდილი თანხა (ასეთის არსებობის შემთხვევაში).
- 9.4. თუ მყიდველი საქონლის გამყიდველისაგან მიწოდებისა პერიოდში აღმოაჩენს გამყიდველის მხრიდან ხელშეკრულებისა და მხარეთა შორის შეთანხმებული პირობების, არაჯეროვან ან უხარისხო შესრულებას (მათ შორის, ხელშეკრულებით გათვალისწინებული რაოდენობა, საქონლის მიწოდების ადგილი, უხარისხო, ნაკლის მქონე საქონლის მიწოდება და ხელშეკრულებით გათვალისწინებული სხვა ვალდებულებების დარღვევა), ასევე საქონლის გარეგანი იერსახის შეუსაბამო საქონლის მიწოდებისას, გამყიდველი ვალდებულია არაუმეტეს 10 (ათი) დღის ვადაში გამოასწოროს აღმოჩენილი არაჯეროვანი ან უხარისხო შესრულება, ხოლო აღნიშნულის შეუსრულებლობის შემთხვევაში, მყიდველი უფლებამოსილია არ გადაუხადოს გამყიდველს ხელშეკრულებით გათვალისწინებული ღირებულება, ამასთან, მოითხოვოს, ხოლო ასეთ შემთხვევაში გამყიდველი გადაიხადოს დარიცხულ პირგასამტეხლოსთან ერთად ჯარიმა ხელშეკრულების საერთო ღირებულების 50%-ის ოდენობით და დაუბრუნოს მყიდველს მის მიერ ავანსად გადახდილი თანხა (ასეთის არსებობის შემთხვევაში).
- 9.5. იმ შემთხვევაში, თუ გამყიდველი მყიდველის წერილობითი თანხმობის გარეშე რაიმე ფორმით შესთავაზებს მყიდველის თანამშრომელს საჩუქარს/წახალისებას, რათა თანამშრომელმა მოახდინოს წინამდებარე ხელშეკრულებით გათვალისწინებული შესყიდვის სტიმულირება, წინწაწევა ან ხელშეკრულებით გათვალისწინებული საქონლის შესყიდვა, მყიდველი უფლებას იტოვებს მოითხოვოს და ამ შემთხვევაში გამყიდველი ვალდებულია გადაიხადოს ჯარიმა ხელშეკრულების სრული ღირებულების 50%-ის ოდენობით, მაგრამ არანაკლებ 10 000 ლარი.
- 9.6. გამყიდველის მიერ წინამდებარე ხელშეკრულების მე-11 მუხლით გათვალისწინებული საგარანტიო პირობების შეუსრულებლობის შემთხვევაში, მყიდველი უფლებამოსილია მოითხოვოს, ხოლო ასეთ შემთხვევაში, გამყიდველი ვალდებულია გადაიხადოს პირგასამტეხლო გამოვლენილი დაზიანების, ნაკლოვანების და დეფექტის ღირებულება / დაზიანების, ნაკლოვანების/დეფექტის გამოსწორებისათვის საჭირო ღირებულების ოდენობის შესაბამისად.
- 9.7. იმ შემთხვევაში, თუ გამყიდველი განახორციელებს საქონლის მიწოდებას ხელშეკრულებით გათვალისწინებულ დანართ(ებ)თან შეუსაბამოდ, ან ხელშეკრულების ვადების დარღვევით, ან/და წინამდებარე ხელშეკრულებით ნაკისრი ვალდებულებ(ებ)ის შეუსრულებლობის შემთხვევაში, რის შედეგადაც მყიდველს მიადგება რაიმე სახის ზიანი/ზარალი, გამყიდველი ვალდებულია სრულად აუნაზღაუროს მყიდველს ზემოაღნიშნული ზიანი/ზარალი, მოთხოვნიდან 1 (ერთი) კვირის ვადაში.
- 9.8. წინამდებარე ხელშეკრულებაზე ხელმოწერით შემსრულებელი ადასტურებს, რომ ის არ წარმოადგენს საქართველოს საგადასახადო კოდექსის შესაბამისად, შეღავათიანი დაბეგვრის მქონე ქვეყანაში, ოფშორში რეგისტრირებულ პირს, საშემოსავლო გადასახადისაგან/მოგების გადასახადისაგან განთავისუფლებულ პირს (გარდა საბიუჯეტო ორგანიზაციისა), მიკრო ბიზნესის სტატუსის მატარებელ პირს, ფიქსირებული გადასახადის გადამხდელის სტატუსის მქონე პირს, თავისუფალ ინდუსტრიულ ზონაში რეგისტრირებულ პირს ან/და სპეციალური სავაჭრო კომპანიის სტატუსის მქონე პირს. შემსრულებელი ადასტურებს, რომ აღნიშნული ინფორმაცია უტყუარია. იმ შემთხვევაში, თუ ხელშეკრულების მოქმედების ვადაში აღმოჩნდება, რომ შემსრულებელი ზემოაღნიშნული რომელიმე სტატუსის მქონე პირია ან გახდება, რის გამოც დამკვეთს/მყიდველს მიადგება

მატერიალური ზიანი/ზარალი (მათ შორის საგადასახადო ჯარიმის/სანქციის დაკისრება, გადახდილი თანხის ხარჯებიდან ამოღება და ა.შ.), შემსრულებელი იღებს ვალდებულებას აანაზღაუროს აღნიშნული ზიანი/ზარალი სრული მოცულობით დამკვეთის წერილობითი მოთხოვნიდან 5 (ხუთი) დღის ვადაში.

9.9. წინამდებარე ხელშეკრულებით გათვალისწინებული პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულების მოვალეობისგან.

**მუხლი 10. ხელშეკრულების შესრულების შეფერხების შესახებ**

10.1. თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.

10.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

**მუხლი 11. გარანტია**

11.1. გამყიდველის მიერ წინამდებარე ხელშეკრულებით მყიდველისათვის მიწოდებული საქონლის საგარანტიო ვადა შეადგენს საქონლის მიწოდებიდან არანაკლებ ————— წელს. გარანტიის პერიოდის განმავლობაში საქონლის დაზიანების/ნაკლის/დეფექტის აღმოჩენის შემთხვევაში გამყიდველი ვალდებულია საკუთარი ხარჯით და საკუთარი მასალით მოახდინოს საქონლის იგივე მახასიათებლების მქონე ახალი საქონლით ჩანაცვლება 10 (ათი) დღის ვადაში.

11.2. გამყიდველი ვალდებულია საქონლის მიწოდებისას მყიდველს გადასცეს შესაბამისი საქონლის საგარანტიო ფურცელი.

11.3. ხელშეკრულების საერთო ღირებულება მოიცავს საგარანტიო პერიოდში გამოვლენილი დაზიანების, ნაკლოვანების და დეფექტის აღმოფხვრის ხარჯებს.

**მუხლი 12. ფორს-მაჟორის შესახებ**

12.1. მხარეები თავისუფლდებიან პასუხისმგებლობისგან ხელშეკრულებით ნაკისრი ვალდებულებების ნაწილობრივ ან სრულ შეუსრულებლობისათვის, თუ ეს გამოწვეულია დაუძლეველი ძალის გარემოებათა ზემოქმედების შედეგებით. ასეთი გარემოების დასტურს წარმოადგენს საქართველოს სავაჭრო-სამრეწველო პალატის მიერ გაცემული შესაბამისი დოკუმენტი.

12.2. მხარე, რომლისთვისაც წინამდებარე ხელშეკრულების შესრულება შეუძლებელი გახდა დაუძლეველი ძალის გარემოებათა წარმოქმნის შედეგად, ვალდებულია წერილობით აცნობოს მეორე მხარეს 3 (სამი) დღის განმავლობაში მათი წარმოქმნის დღიდან, წინააღმდეგ შემთხვევაში, მხარეს უფლება აღარ ექნება მიუთითოს ამგვარ გარემოებებზე, როგორც ხელშეკრულებით ნაკისრი ვალდებულებებისაგან განმათავისუფლებელ გარემოებაზე.

12.3. დაუძლეველი ძალის გარემოებათა დადგომისას მხარეთა მიერ ხელშეკრულებით ნაკისრი ვალდებულებების შესრულების ვადა გადაიწევა იმ დროით, რომლის განმავლობაშიც მოქმედებდა ეს გარემოებები.

**მუხლი 13. ხელშეკრულების მოქმედების ვადის შესახებ და ხელშეკრულების შეწყვეტა**

- 13.1. წინამდებარე ხელშეკრულება ძალაში შედის ხელმოწერის მომენტიდან, რაც ფიქსირდება წინამდებარე ხელშეკრულების პირველ გვერდზე.
- 13.2. ხელშეკრულება მოქმედებს მხარეთა მიერ წინამდებარე ხელშეკრულებით ნაკისრი ვალდებულებების სრულად შესრულებამდე.
- 13.3. ხელშეკრულება შეიძლება შეწყდეს ვადამდე მყიდველის ინიციატივით, ცალმხრივად, თუ:
- 13.3.1. გამყიდველი არ ან არაჯეროვნად ასრულებს ნაკისრ ვალდებულებას, რის თაობაზეც გამყიდველს დარღვევის გამოსასწორებლად მიეცა დამატებითი ვადა წინამდებარე ხელშეკრულების შესაბამისად. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო მყიდველს ხელშეკრულების საგნისადმი ინტერესი ეკარგება;
  - 13.3.2. აღნიშნულის თაობაზე მყიდველი გამყიდველს წინასწარ წერილობით შეატყობინებს;
  - 13.3.3. ასევე საქართველოს კანონმდებლობით გათვალისწინებულ შემთხვევებში.
- 13.4. ხელშეკრულების ცალკეული პირობების მოქმედების შეწყვეტა არ ათავისუფლებს გამყიდველს დანარჩენი ვალდებულებების შესრულებისაგან.

**მუხლი 14. დასკვნითი დებულებების შესახებ**

- 14.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.
- 14.2. წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.
- 14.3. „მხარეები“ ადასტურებენ, რომ ხელშეკრულების შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.
- 14.4. ხელშეკრულების პირობების გადასინჯვა ხდება საქართველოს კანონმდებლობით არსებული წესით.
- 14.5. წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.
- 14.6. გამყიდველი წერილობით ატყობინებს მყიდველს, 5 (ხუთი) კალენდარული დღის ვადაში, იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან გადახდისუუნარობის ალბათობა, ლიცენზიის მოქმედების ვადის ამოწურვა და სხვა. თუკი გამყიდველი არ შეატყობინებს ან არადროულად შეატყობინებს მყიდველს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია მყიდველს აუნაზღაუროს ამასთან დაკავშირებით წარმოქმნილი ზარალი.
- 14.7. „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.
- 14.8. მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.

- 14.9.იმ შემთხვევებში, როდესაც ეს ხელშეკრულება ავალდებულებს მხარეებს დაიცვან წერილობითი ფორმა, ეს ნიშნავს, რომ დოკუმენტები უნდა იყოს შედგენილი ქაღალდზე და ხელმოწერილი ამისათვის უფლებამოსილი პირების მიერ.
- 14.10. გამყიდველი ადასტურებს, რომ მას ჩაბარდა ხელშეკრულება მისი დანართებითურთ.
- 14.11. გამყიდველი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 14.12. მხარეები შეეცდებიან ყველა წარმომოხილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა ვერ გადაწყდება მისი წარმომოხიდან 30 დღის განმავლობაში მოლაპარაკების გზით, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს, საქართველოს მოქმედი კანონმდებლობის შესაბამისად.
- 14.13. მყიდველს უფლება აქვს პირველი ინსტანციის სასამართლოს გადაწყვეტილება მეორე მხარის მიერ მისი გასაჩივრების მიუხედავად, დაუყოვნებლივ მიაქციოს აღსასრულებლად, საქართველოს სამოქალაქო საპროცესო კოდექსის 268-ე მუხლის მე-1<sup>1</sup> პუნქტის შესაბამისად.
- 14.14. წინამდებარე ხელშეკრულება შედგენილია 2 ეგზემპლარად – თითო ეგზემპლარი ყოველი მხარისათვის. ორივე ეგზემპლარი იდენტურია და გააჩნიათ თანაბარი იურიდიული ძალა.

**15. მხარეთა რეკვიზიტები და ხელმოწერები:**

მყიდველი

გამყიდველი

–

საიდენტიფიკაციო კოდი: –  
 მისამართი: –  
 ბანკის დასახელება: –  
 ბანკის კოდი: –  
 ანგარიშის ნომერი: –

–

საიდენტიფიკაციო კოდი: –  
 მისამართი: –  
 ბანკის დასახელება: –  
 ბანკის კოდი: –  
 ანგარიშის ნომერი: –  
 საკონტაქტო ტელეფონი: –

დირექტორი: –

დირექტორი: –

\_\_\_\_\_

\_\_\_\_\_

შენიშვნა: ხელშეკრულების შესაბამისი პირობები/პუნქტები დაზუსტდება ტენდერში გამარჯვებული პრეტენდენტის სატენდერო წინადადების შესაბამისად.